

欽定四庫全書

子部

類證普濟本事方卷六



南京中医药大学图书馆版权所有

類證音義

宋許叔微撰

陽風
田子龍

[illegible]

日
 前
 取
 乾
 天
 南
 王
 半
 夏
 谷

椿根白皮四兩三味於九月後二月

葳靈仙
兩一
寒食麵
兩三

每服三十丸水八分

一盞煎沸下丸子煮令浮以匙抄起溫溫送下不嚼空心食前服

頃年有一人下血幾盃頃然瘦繭諸藥皆不效予曰此正腸風令服玉屑丸三服止予苦疾三十年蓄下血藥方近五十餘品其間或驗或否或始驗而久不應者或初不效棄之再服有驗者未易立談大抵此病品類不同對病則易愈如下清血色鮮者腸風也血濁而色黯者臟毒也肛門射如血線者蟲痔也亦

有一種下部虛陽氣不升血隨氣而降者仲景云脉弦而大弦則為減大則為亢減則為寒亢則為虛寒虛相搏此名為革婦人則半產漏下男子則亡血失精此下部虛而下此者也若得革脉却宜服溫補藥蟲痔宜薰千金用蝟皮艾者佳予嘗作頗得力

治臟毒

蒜連圓

鷹爪黃連末用獨蒜頭一個煨香爛熟研和入白治

熟如梧子大每服三四十丸陳米飲下

治腸風臟毒

槐花散

槐花炒柏葉

爛杵

荆芥穗

枳殼

右修事了方秤等分細末用清米飲調下二錢空心食前服

巢氏病源論腸癖為痔久困飽食過度房室勞損血氣
流溢滲入大腸衝發於下時便清血腹中賴痛病名脈
痔又論脾毒腸風本緣榮衛虛弱風氣進襲因熱乘之

使血氣流散積熱壅遏血滲腸間故大便下血

椿皮圓

臭椿花

四兩刮去粗皮焙乾

蒼朮

枳殼

各二兩

右細末醋糊丸如梧子空心食前米飲下三四十丸

治腸痔在腹內有鼠乳下血方

白蕪荑

貫衆

狼牙根

椿東引根

白槐東引皮

根白蝟皮

炙焦各一分

雄黃

白鱗頭

一個炙焦

右細末臘月猪脂和一丸彈子大綿裏內下部日三易

治痔有鼠乳結核作渴疼痛方

皂角炙 黃芪 荊芥 槐子 穿山甲 木香 露

蜂房炒焦 蝟皮 鱉甲醋炙 桔梗 芍藥各一分 大黃半兩

右細末煉蜜丸如梧子大每服二三十九丸溫湯下食
前日三服未知加至四五十九丸

治遠年腸風痔漏

黃芪圓

黃芪 枳殼 葳靈仙各二兩 續斷炒 槐角子 枯

礬 當歸炒 乾薑 附子 生地黃 連翹炒各半兩

右細末煉蜜丸如梧子大米飲下三十圓晁推官方

治腸痔

鱉甲散

鱉甲 蝟皮炙焦 穿山甲炙焦 白礬枯 附子 猪牙

皂 各半兩炙焦 麝香一分研

右細末研勻蒸餅丸如梧子大米飲下二十九食前

日三服

人方

槐花炒 白礬枯各一兩 附子半兩

右細末蒸餅丸如梧子大每服二十九米飲下食前

日三服以上二方麗老傳

衄血吐血咯血方

治衄血無時

茜梅圓

茜草根 艾葉各一兩 烏梅肉焙乾半兩

右細末煉蜜丸如梧子大烏梅湯下三十丸

經云天暑地熱經水沸溢蓋血妄行陽勝陰也鞠運
若茂之嘗苦此疾予授此方令服後愈三黃散亦可
三黃散

大黃 黃連

黃芩

各半兩

右細末每服二錢新水調下蜜水亦可

又方

山梔子不拘多少燒存性末之搐入鼻中立愈

蔡子渥傳云同官無錫監酒趙無疵其兄衄血甚已
死入殮血尚未止偶有一道人過門聞其家哭詢問
其由道人云是曾服丹或燒煉藥子有藥用之即活
囊中出此藥半錢吹入鼻中立止良久得活并傳此
方

治鼻衄過多昏冒欲死

梅師方

右用香墨研濃點入鼻中

潤肺安血止嗽治吐血咯血

天門冬圓

天門冬^{一兩} 甘草 杏仁 貝母 白茯苓 阿膠^{各半兩}

右細末煉蜜丸如彈子嚥津含化日夜服十丸不拘時候
因嗽咯血成勞眼睛疼四肢倦脚無力

黃芪散

黃芪 麥冬 熟地 桔梗^{各半兩} 甘草^{一分} 白芍藥^{半兩}

右粗末每服四錢水一盞半薑三片煎七分溫服日三服
治久嗽咯血成肺痿多吐白涎胸膈滿悶不食

扁豆散

白扁豆

生薑

各半兩

枇杷葉

去毛

半夏

人參

白

朮

各一分

白茅根

三分

右細剉水三升煎至一升去滓下栝榔末一錢和勻
分四服不拘時候

治勞瘵吐血損肺及血妄行

神傳膏

剪草一觔婺台州皆有惟婺州者可用狀如茜草又

如細辛每用一觔淨洗為末入生蜜一觔和為膏以
器盛之不得犯鉄九蒸九晒日一蒸晒病人五更起
面東坐不得語用匙抄藥如粥服每服四匙良久用
稀粟米飲壓之藥冷服粥飲亦不可大熱或吐或下
皆不妨如久病肺損咯血只一服愈尋常咳嗽血妄
行每服一匙可也有一貴人其國封病瘵其尊人嘗
以此方畀之九日而藥成前一日病者夢人戒令翌
日勿令服藥次日將服之為屋土墜器中不可服再

合既成又將服為猫覆器又不得食又再作未就而
是人卒矣此藥之異如此若小血妄行一啜而愈或
云是陸農師夫人鄉人艾字先嘗親說此事渠後作
大觀本草亦收入集中但人苦未識不信耳

眼目頭面口齒鼻舌唇耳諸疾

鎮肝明目

羊肝圓

羯羊肝

一具新瓦盆中燂乾更焙之肝若大止用一半

甘菊花

羌活

柏子

仁 細辛 官桂 白朮 五味子各半 黃連三兩

右細末煉蜜丸如梧子大空心食前溫水下三四十

丸

又方

白羯羊肝

只用于肝一片薄切新瓦上焙乾

熟地黃

一兩半

兔絲子

澤瀉

地膚子

去殼 防風

黃芩

白茯苓

五味

子 枸杞子

芫薺子

杏仁

大者炒 細辛華陰者佳

苦苧蘆

桂心

麥箱子

各一兩

右細末煉蜜丸如梧子大每服三四十丸溫水下日
三服不拘時候

張臺卿嘗苦目暗京師醫者令灸肝愈遂轉不見物
因得此方服之遂明有一男子內障醫治無效因以
餘劑遺之一夕燈下語其家人曰適偶有所見如隔
門縫見火者及旦視之眼中翳膜且裂如線張云此
藥靈勿妄與人忽之則無驗予臨之且欲廣其傳也

又方